

- Non ergo mirum, si diligo Britto Britannum,
 Patrem scito meum Brittone patre satum.
 30 Brittones extollo, natus de Brittone Britto,
 Ut consanguineos diligo semper eos.
- TE- Comptum cigneo caput est candore Tebaldo,
 BALDO Guilfredus senior candidus est ut olor.
 Hugo meus recipe quod in aure susurro tuapte:
 35 Quę tibi clementer deus infert, fer patienter.
 Sit deus Arnulfo tutor pius atque Roberto,
 Ut fortes facti confringant mente uirili
 Illecebrorum pedicas desideriorum¹⁾.
 Felix est et erit, qui deuitare ualebit
 40 Hostis tendiculas feralis perniciosas.
 Cur homines tecum detrudere queris in orcum,
 O truculente draco, trux lupe, seue leo?
 Exortes uite quos illicis efficis esse,
 Consortes penę quos illicis efficis esse.
 45 Quod dixi repeto, culpę nichil in repetendo:
 Sit deus Arnulfo tutor pius atque Roberto,
 Ut fortes facti mundi moriantur amor.
- ODONI Cum iam plus puero uideatur iunior Odo,
 In numero iuuenum numerabitur an puerorum?
 50 Non est, ut credo, pueris impubibus Odo
 Intermiscendus²⁾, cum sit iam puber homullus.
 Quamquam cum pueris iamiam non annumereris,
 Non tamen in numero iuuenum numeraberis, Odo,
 Quid facies ergo discretus ab omnibus, Odo?
 55 Equum credo fore, ponaris ut inter utrosque.
 Iamiam non puer es, quia uoce cares puerili³⁾,
 Sed necdum iuuenis, quia uoce cares iuuenili.
 Tempore iam nullo rediet tibi uox puerilis,
 Tempore post pauco ueniet tibi uox iuuenilis.
- 60 Impiger⁴⁾ Ansoldus, alacer psalmista Richardus,
 Paruulus Arnulfus, simplexque Radulfus ut agnus,
 Corpore crescendo crescant simul in sapiendo,
 Ut facti iuuenes fiant simul et sapientes.
 O pueri, pueri, iuuenes quandoque⁵⁾ futuri,
 65 Si uos sciretis, quam nobile sit quod habetis,
 Quam spetiale decus, que gloria, quis crisoprassus,
 Omnimodis ipsum custodiretis in eum.
 Omne decus celi debetur uirginitati,

1) 'desidoriorum' verb. in 'desider.' Hs. 2) 'Intermiscend' .. oder
 ,cent' dahinter ein Riss im Pergamente. 3) 'puerili' auf Rasur. 4) 'Im-
 piger' ist durch eine Initiale hervorgehoben. 5) 'do' in 'quandoque'
 fehlt durch ein Loch.